

UGOVOR O AKADEMSKOJ, NAUČNOJ I POSLOVNO-TEHNIČKOJ SARADNJI

zaključen dana 06.07.2018. godine

između

1. **Visokoškolske ustanove Evropski univerzitet Brčko distrikt**, sa sjedištem u Brčkom, u ul. Bijeljinska cesta br. 72- 74, čiji je zastupnik v.d. rektor akademik prof. dr. Nedeljko Stanković, s jedne strane (u daljem tekstu: Univerzitet),
i
2. **JUMS Hemijska škola Tuzla**, sa sjedištem u Tuzli, u ul. Bosne Srebrene br.8, čiji je zastupnik direktor Arif Švraka, s druge strane (u daljem tekstu:Ustanova).

Član 1.

Ugovor je zaključen s ciljem međusobne saradnje dvije ustanove u budućem procesu obrazovanja, naučno-istraživačkog rada i drugih poslova u okviru registrovane djelatnosti.

Član 2.

Ugovorne strane će nastojati da razvijaju međusobne veze prema principima zajedničke koristi, opšteg društvenog interesa, te zajedničke komplementarne djelatnosti visokog obrazovanja.

Ugovorne strane će uložiti najveće i iskrene napore da se ovaj ugovor realizuje na akademskom nivou.

Član 3.

Ciljevi saradnje:

1. razvoj i podsticanje zajedničkih istraživanja, seminara, međunarodnih konferencija, uz napore da se obezbijede eksterni izvori finansiranja;
2. razvoj razmjene znanja i naučnih informacija kroz recipročnu razmjenu naučnih i stručnih publikacija, e-publikacija, akademskog materijala, stručnih izvora i drugih resursa;
3. podsticanje i drugih akademskih projekata i aktivnosti upućenih prema drugim akademskim partnerima i ostalim izvorima finansiranja neprofitnih i akademskih projekata i
4. podsticanje i drugih akademskih aktivnosti za koje se obje ugovorne strane slože da su od zajedničkog interesa i koristi.

Član 4.

Područje saradnje će uključivati bilo koje akademske i druge naučne odnose, stručne programe koji su akreditovani i registrovani u bilo kojoj od ugovornih strana u cilju razvoja zajedničkih aktivnosti u nastavnim i akademskim oblastima koje su od obostranog interesa, na bazi kvaliteta i reciprociteta.

Ugovorne strane će podnositi prijedloge vezane za zajedničke projekte prema odredbama ovog ugovora putem rukovodećeg izvršnog osoblja ili putem nadležnog akademskog osoblja.

Član 5.

Ugovorne strane obostrano izjavljuju da će Univerzitet učenicima omogućiti izvođenje nastavnih aktivnosti u skladu sa nastavnim planom i programom Ustanove.

Član 6.

Ustanova će prije početka nastave, u skladu sa nastavnim planom i programom za svaku školsku godinu specificirati potrebe u skladu sa članom 5. ovog ugovora, te dostaviti Univerzitetu spiskove učenika.

Univerzitet će učenicima obezbijediti kvalitetno i bezbjedno izvođenje nastavnih aktivnosti, u skladu sa raspoloživim materijalnim, prostornim i kadrovskim resursima, uz primjenu i sprovođenje mjera zaštite na radu i zaštite od požara prema važećim propisima.

Član 7.

Univerzitet će učenike blagovremeno, na primjeren način, upoznati sa propisanim kućnim redom.

Član 8.

Mentora za izvođenje nastavnih aktivnosti određuje Univerzitet/Ustanova.

Član 9.

Ustanova se obavezuje da obezbijedi da se učenici za vrijeme obavljanja nastavnih aktivnosti ponašaju u skladu sa visokim etičkim i moralnim standardima, kao i da se prema opremi Univerziteta ponašaju sa pažnjom dobrog domaćina.

Ustanova je odgovorna za svaku štetu koju njihovi učenici pričine Univerzitetu u skladu sa stavom 1. ovog člana.

Član 10.

Ovaj Ugovor važi počevši od školske 2018/19. godine.

Svaka ugovorna strana ima pravo Ugovor otkazati, uz obavezu da o namjeri otkazivanja pismenim putem obavijesti drugu ugovornu stranu najkasnije 30 dana prije dana s kojim namjerava otkazati Ugovor.

Ugovorna strana koja je pretrpjela štetu zbog neispunjenja obaveze druge ugovorne strane ima pravo na naknadu štete.

Član 11.

Ugovorne strane se obavezuju da na svojim web-stranicama istaknu logo druge ugovorne strane sa poveznicom na web-stranicu druge ugovorne strane.

Član 12.

Ovaj Ugovor je zaključen u četiri (4) istovjetna primjerka, od kojih svaka ugovorna strana zadržava po dva (2) primjerka.

Član 13.

Ugovorne strane će eventualne sporove rješavati sporazumno.

Za Univerzitet
REKTOR

Akademik prof. dr. Nedeljko Stanković

Broj: 1119-4/18
Brčko, 06.07.2018. godine

Za Ustanovu
DIREKTOR
Arif Švraka

Broj: 03-164/18
Tuzla, 06.07. godine

